

晚清名儒年譜

陳祖武先生選
清人年譜系列

◎本社影印室 輯

◎北京圖書館出版社

陳祖武先生選
清人年譜系列

◎本社影印室 輯

◎北京圖書館出版社

晚清名儒年譜

①5

第十五冊目錄

陶廬老人自訂年譜(王樹枏)	二卷	王樹枏編		一
齋翁自訂年譜(張養)	二卷	張養編		二二七
水竹邨人年譜(徐世昌)	二卷附錄一卷	賀培新編		四〇三

自訂年譜

陶廬老人隨年錄一

咸豐元年辛亥一歲。

余家世譜斷自始遷之祖諱天祿公。明永樂初自小興州遷於保定之雄縣東洋村。萬厯時由東洋再遷新城東十五里鄧家莊。縣衍至今三百年餘矣。保定河間二府大半居人皆自小興州遷往者。然小興州上往往加洪洞二字。余家世譜亦然。今備考山西洪洞縣實無小興州地名。蓋當時洪洞與小興州人並

遷直隸而始遷之祖又鮮讀書世家故混載為一地
不復區別也考諸前史志小興州在今承德府直古
北口外九十里漢為鮮卑唐為奚遼為利民縣屬北
安州金亦為利民縣屬興州元為興安縣仍屬興州
故稱此為小興州以別之案今之興州在今灤平南
或謂小興州在灤平西北七十五里金初本興化縣
之白檀鎮泰和初置宜興縣屬興州元升為宜興州
以舊有興州俗呼此為小興州也明一統志謂小興
州故城所謂小興州也明一統志謂小興州在雲
興堡東四百五十里方輿紀要謂在明有天下朵顏
興州西青河嶺北五十四里皆誤

等部落請內附，因置大寧都司於其地。再置朵顏泰寧福餘三衛，俾其頭目自領其衆。建文初，成祖陷大寧，以三衛彊卒三千人入關。永樂元年，徙行都司於保定，遂盡割大寧地畀兀良哈族。中父老相傳，始祖自小興州從龍入關者，與明史紀志皆相符合。王鳳洲謂洪武中小興州數被侵患，詔盡徙其民入內地。明制定戶三等曰民、曰軍、曰匠，著籍入戶，以籍為斷。余家糧冊，舊屬涿鹿衛，至今不改，蓋軍籍也。涿鹿在

涿州治西北，永樂七年建。又有左衛在州治西，永樂八年建。涿鹿中衛在左衛西，永樂十二年建。直隸後軍都督府與保定五衛隸大寧都司者，不相統轄，豈建衛時移之與？

自始祖天祿公傳至十世，為吾曾祖考諱懋字景堂，誥封奉政大夫。曾祖妣杜太宜人，家貧以耕讀為業，奉政公好善，出於天性，數濟人之急，鄉里稱為善士。鼠牙雀角，皆相就質。數十年族黨親戚，無匍匐公堂。

者年五十三偶患寒疾死。一日夜忽蘇。自言到陰府。一王者據案呼之曰。誰喚汝來者。命侍者取簿來閱。曰。不誤。是今日也。因喚至案前。以簿指示曰。汝壽止於今日。因汝好作善事。上帝為汝增壽一紀。已注於冊矣。汝好為之。子孫方長。盛勿懈。時村人聞公復蘇。咸來問視。公指一族人曰。吾見冊注汝名於八月某日。又指一鄉人曰。吾見冊注汝名於十月某日。至期果皆死。公又歷十二年至六十五而終。聖人不語怪。

此則吾曾祖母常為家人言者。曾祖母杜太宜人為同邑東塢村人。其兄弟姊妹多老壽。年皆八九十歲。此蓋關於一家血統也。太宜人生吾祖父諱振綱。字重三。號竹溪。生於嘉慶十一年十一月二十八日。未時。道光辛卯科副榜。丁酉科舉人。戊戌科進士第。一以知縣用。以杜太宜人年高。告終。養不仕。家居授徒。門弟子數千人。以河工保加同知銜。光緒三年十月初八日酉時。終於保定府蓮池書院。享壽七十有

一以樹柎官晉封光祿大夫。祖如同里田氏生於嘉
慶十一年十一月二十九日卯時歿於同治十三年
正月十六日辰時享壽六十八歲。晉封一品夫人。生
吾先大夫兄弟五人。長先伯父諱鑑字子銘號菊農。
以舉人選甯遠州學正。次即先大夫。三諱錫字子進
花翎補用都司。四諱鉅字子珍號式如廩貢生。五諱
鏐字子函號秋颿乙酉科舉人。先大夫諱銓字子衡
號松舫乙卯科舉人。選授東安縣教諭。封光祿大夫。

先妣為同邑處士李文明之女，舉人李文鼎之姪女。
封一品夫人。生吾兄弟五人，妹二人。余次居二，以咸
豐元年十一月二十五日卯時生，生而有文在右手
曰：「柑」。先會元公因賜名樹柑，字之曰晉卿。取楚材晉
用之義。

是年（同治）洪秀全僭偽號太平天國於大黃江。

二年壬子，二歲。

先太夫人生余乏乳，食日屑麪粉哺之。

太平軍

是年賊由廣西趨長沙，犯湖北。十二月四日，武昌失守。暹羅以粵匪之亂，貢使不克至京，入貢之事亦從此止，以後遂為自主之國。

三年癸丑三歲。

正月

粵賊

下竄陷安慶。二月十二日，攻金陵，陷之。據

為偽都。

帝命

湖南

在籍侍郎曾國藩、練鄉兵，治水師。

討賊。

六月

賊再陷武昌省城。

八月

水師克復武昌。

四

川按察使胡林翼調赴湖北辦賊。

十二月

賊陷安徽

安

徽

廬州府城。

是年雲南回匪亂作，南掌貢道遂絕。

四年甲寅四歲。

五年乙卯五歲。

先大夫舉順天鄉試。

六年軍

三月賊三陷武昌。胡林翼署湖北巡撫。四月忠親王

僧格林沁禽北犯匪首李開芳於馮官屯。北軍凱撤。

六年丙辰六歲。

先大夫素患怔忡之疾，是年會試不第，遂絕意進取，
精研醫學。隨人延診，無不應手取效，名遂大噪。然不
受人一錢餽謝，著有醫藥家棖四卷。

是年五月江南大營失陷，欽差大臣向榮退保丹陽，
尋卒於軍。十一月克復武昌。

七年丁巳，七歲。

始入家塾，從同里鄧雲亭先生彬讀。先生亦先大夫
門生也。自入塾後，先太夫人每朝予制錢五枚，買一

烤餅食之。夜二更散學歸，以穀米麪蒸團。

北人俗呼窩窩，亦有

用玉黍麪者。

一枚，鹹菜一撮，置之卧側，食畢即解衣而寢。

如是者十餘年。至今晚餐後即睡，猶童時也。三月

十六日丑時大妹生。

八年戊午八歲。

始學為詩，同邑王子疇年丈洛書與先大夫同年，會元公門生也。一日暑夜與會元公同坐院中，余侍側，丈曰：「現讀何書？」對曰：「四書已讀畢。」丈曰：「能屬對否？」曰：

時時學之。丈曰：王豹綿駒，予應聲曰：卧龍雛鳳。丈曰：雖不甚工，而自負不凡。丈又曰：亦將有以利吾國乎？余曰：何其聲之似我君也。丈拍案叫絕。時聞有雁聲。丈曰：風高聞雁唳。命屬對。余曰：月黑見螢飛。會元公曰：此子將來必有一隙之明，但恐生逢亂世耳。

是年四月，楚軍克復江西九江府。

五月，與俄人訂條約十二款，議准由海路之上海甯波、福州府、廈門、廣州府、臺灣、瓊州府等七處海口通

商，又與英人訂續約五十六款，通商章程十款。與法人訂條約四十二款，和約章程補遺六款。又訂通商章程十款。十月與美人議定條約三十款，通商章程十款。

九年己未，九歲。

學為八韻詩，

十一月二十九日子時，三弟樹梓生。

是年十月與俄人續約十五款。

十年庚申，十歲。